

Concorso a premio "CITTA' DI OZIERI"

Gosos in onore de N. S. de su Remediu
Patrona de Uthieri

De Su Remediu Matrona
Bos hana in Chelu acclamadu
E Uthieri giamadu
Bos hat de issa Patrona.

Cantos in cussa zittade
Han logradu naschimentu
Semper de Bois han tentu
Cunfortos in dogni edade;
Pienos de umilidade
Bos han cantadu in corona.
E Uthieri ecc.

Bezzos, giovanos, pizzinnos,
Coiuados, bagadias,
Cun devotas litanias
Bos rezitesin sos innos,
Rezzinde dulches azzinnos
De Bois lughente in trona.
E Uthieri ecc.

A Bois cun lenu tonu
Totus si sunu invocados
E los hazis consolados
Faghindelis riccu donu
De singulare perdonu;
Dandelis mirada ona.
E Uthieri ecc.

Senza duda totu cantos
Sos ch'in Uthieri bivimus
Firma sa fide tenimus
In Bois, ch'inter sos Santos,
Remedios usados tantos
Senza distingher persona.
E Uthieri ecc.

Santulussurgiu 4 Settembre 1956

Bachisio Asili

Bachisio Asili